



Na osnovu člana 65. i 66. stav 4. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), člana 5. Odluke o osnivanju Zdravstvenog savjeta na nivou općine Lukavac („Službeni glasnik općine Lukavac“, broj: 1/17) i člana 32. i 35.a Statuta općine Lukavac – prečišćeni tekst („Službeni glasnik općine Lukavac“, broj: 5/08 i 1/14), Općinski Načelnik općine Lukavac, r a s p i s u j e

**Ponovljeni Javni poziv
za prikupljanje prijava za imenovanje članova Zdravstvenog savjeta Općine Lukavac za
predstavnik iz reda Komora iz oblasti zdravstva i predstavnik Udruženja za zaštitu prava
pacijenata**

I

Općinski Načelnik općine Lukavac, zbog nepopunjenih svih predstavnika u Zdravstvenom savjetu na Javnom pozivu za prikupljanje prijava za imenovanje članova Zdravstvenog savjeta Općine Lukavac broj 02-33-2902/20 od 03.06.2020. godine, raspisuje ponovljeni Javni poziv za prikupljanje prijava za imenovanje članova Zdravstvenog savjeta Općine Lukavac za **predstavnik iz reda Komora iz oblasti zdravstva i predstavnik Udruženja za zaštitu prava pacijenata**, a u cilju ostvarivanja mjera društvene brige za zdravlje građana i ostvarivanje i unapređenje prava pacijenata.

II

Nepopunjena mjesta predstavnika iz reda Komora iz oblasti zdravstva i predstavnika Udruženja za zaštitu pacijenata imenovat će rješenjem Općinski načelnik.

III

Mandat članova Zdravstvenog savjeta traje 2 (dvije) godine ili do trajanja statusa po osnovu koga se vrši izbor u Zdravstveni savjet.

IV

Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području općine;
- daje mišljenje na planove i programe zdravstvene zaštite za područje općine Lukavac, te predlaže mjere za poboljšanje dostupnosti kvaliteta zdravstvene zaštite na području općine;
- prati primjenu propisa na području općine koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području općine;
- predlaže poduzimanje mjera za zaštitu i unapređenje prava pacijenata na području općine;
- bez odgađanja obavještava Zdravstveni savjet u kantonalnom Ministarstvu o slučajevima teških povreda prava pacijenata koje mogu ugroziti život ili zdravlje pacijenata;
- podnosi Općinskom vijeću, Općinskom načelniku i kantonalnom Ministarstvu godišnji Izvještaj o svom radu;
- obavještava javnost o povredama prava pacijenata;

- obavlja i druge poslove u skladu sa Zakonom o zdravstvenoj zaštiti i Zakonom o pravima, obavezama i odgovornostima pacijenata.
Zdravstveni savjet donosi Poslovnik o svom radu kojim se bliže uređuje organizacija i način rada.

V

Pravo učešća na ponovljenom Javnom pozivu za imenovanje predstavnika u Zdravstveni savjet općine Lukavac imaju osobe zdravstvene i nezdravstvene struke sa prebivalištem na području općine Lukavac, koje imaju minimalno 3 (tri) godine iskustva u instituciji, ustanovi, udruženju, nevladinoj organizaciji ili zdravstvenom sindikatu koji je kandidiraju, te da ima ugled i evidentne rezultate u ublasti u kojoj djeluje.

Kandidati su dužni uz prijavu dostaviti i ovjereno pismo preporuke kako slijedi:

- Za predstavnika komora iz oblasti zdravstva pismo preporuke jedne od registriranih komora koje imaju svoje organizacije ili članstvo na području općine Lukavac.
- Za predstavnika udruženja za zaštitu prava pacijenata pismo preporuke jednog od registriranih udruženja za zaštitu pacijenata, zdravlja ili životne sredine koje imaju organizacije ili članstvo na području općine Lukavac.

Pravni ili fizički subjekti koji daju pisma ili potpise preporuke mogu dati preporuke za više kandidata.

VI

Obrazac prijave kandidati mogu preuzeti u Šalter sali općine Lukavac ili na službenoj web stranici općine. Uz prijavu kandidati su dužni dostaviti:

- Potvrdu o mjestu prebavilašta,
- Dokaz o stručnoj spremi,
- Dokaz o radnom iskustvu iz člana V ovog Javnog poziva,
- Biografiju sa pregledom toka obrazovanja i stručnog angažmana, podacima o uspjesima, nagradama, objavljenim radovima ili publikacijama, članstvu u stručnim i drugim udruženjima i slično,
- Originalno pismo preporuke ili podrške iz člana V ovog Javnog poziva.

VII

Nakon isteka roka za prikupljanje prijava, Općinski Načelnik će izvršiti izbor i Rješenjem imenovati Zdravstveni savjet općine Lukavac i imenovati predsjedavajućeg. Rješenje će biti objavljeno u „Službenom glasniku općine Lukavac“.

VIII

Javni poziv će biti objavljen u medijima, oglasnoj tabli općine Lukavac i web stranici općine Lukavac: www.lukavac.ba i ostaje otvoren 8 (osam) dana od dana objave.

Broj: 02-02-1926/21

Lukavac, 10.05.2021.godine

OPĆINSKI NAČELNIK
Dr.Sci. Edin Delić

Dostaviti:

- Oglasna tabla 2x,
- Služba za upravu, društvene djelatnosti, mlade i boračko-invalidsku zaštitu,
- Evidencija 2x,
- a/a